

Isumaginninnermut Inatsisinillu Atuutsitsinnermut
Naalakkersuisoqarfik
Postboks 260
3900 Nuuk

Ataasinngorneq 29. januar 2018

Pillugu: "Uunga missingiut: Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. xx, xx. xxx 2018-imeersoq".

Meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarummut siunnersuut pillugu tusarniaanermik Isumaginninnermut Inatsisinillu Atuutsitsinnermut Naalakkersuisoqarfik nassiussivoq.

Siullertut Kommuneqarfik Sermersooq sammisaq pillugu tusarniaanermi akissuteqarnissamut periarfissinneqarnerminut qujavoq. Meeqqat ilaqutariinnerlu pillugit suliaasaqarfiit kommunimi suliaasaqarfiit pingaartitatta ilagaat.

Matumuuna nalunaarummut missingiummut Kommuneqarfik Sermersooq ima oqaasissaqarpoq:

- 1) Nalunaarut suliarilluakkatut kiisalu immikkut nassuiarluakkatut isikkoqarpoq, taamaasillunilu ulloq unnuarlu angerlarsimaffinnik ingerlatsinermi tunngavissaalluni pitsaasoq.
- 2) Siunissaq ungasinnerusoq eqqarsaatigalugu Namminersorlutik Oqartussat ulloq unnuarlu angerlarsimaffiutaannik ingerlatsinermik kommunit tigusinissamut kissaataat eqqarsaatigalugu, § 5 oqaasertaliorneqartariaqarpoq taamaasilluni, ersersinneqarluni nunami kommunit nakkutilliisarfik ataatsimoorlutik ingerlassinnaagaat.
- 3) § 20-mi aalajangersagaq, ulloq unnuarlu angerlarsimaffimmik kommunip aqutaanik pilersitsinermi Isumaginninnermut Aqutsisoqarfiup 'sulisut ataatsimut inuttut suliatigullu piginnaasaannik' akuersinissaa, siunertamut tulluurtutut isigineqarnanilu naammaginangitsumik killilersuivoq. Ingerlatsiviup nalilerpaa, pilersitsinermi ulloq unnuarlu angerlarsimaffimmi sulisut amerlassusai, matuma ataani sulinissamut pilersaarut naammaginartoq nassuiassagai. Kisianni komunip

 **KOMMUNEQARFIK
SERMERSOOQ**

*Suliffeqarfimmi
Kiffartuussineq
Koncernservice*

Kuussuaq 2
Postboks 1005
3900 Nuuk
Grønland

**kommuneqarfik
@sermersooq.gl
sermersooq.gl**

Tlf. +299 36 74 00

Man. - ons. kl. 10 - 15
Torsdag kl. 12 - 17
Fredag kl. 10 - 12

GER-nr. 5790002421983

Bankkonto x

PBS-kreditor nr. x



atorfinitssissussatut sulisut suliatigut inuttullu piginnaasai
nalilersortariaqarpai.

Isumaginninnermut Aqutsisoqarfik piginnaatinneqarpoq, tak. § 24,
akuersissut uterteqqissallugu, ulloq unnuarlu angerlarsimaffiup
piumasaqaatit eqquutsikkunnaarpagit, tamanna aqutsinerutt
naammattutut isigineqartariaqarpoq.

- 4) Kapitali 4-mut qulequttami naqinnerluineqarpoq: 'selvejende'.

Inussiarnersumik inuulluaqqusillunga

Martha Lund Olsen

Meeqqat Ilaqutariillu pillugit Ingerlatsivimmi Pisortaq

Kommuneqarfik Sermersooq

mlol@sermersooq.gl

